

Kurzer Begriff vnd In- halt dieses Arzneybuchs.

Es ist diß gantz Buch / von mehrer richtigkeit we-
gen / in fünf Theil abgetheilt / vnd vnderchieden worden.

Und in dem ersten zwar sind vast alle Kranckheiten / vom Haupte biß
auff die Füß / welche ein gewissen ort am Leib einnehmen / die auch allen Men-
schen / in gemein / begegnen mögen / begriffen.

Im andern sind sürnemlich die Kranckheiten / denen das weiblich Ge-
schlecht vnderworfen / vnd ihre Remedia verzeichnet. Vnd nach denselbi-
gen auch der jungen Kinder Kranckheiten vnd Zufäll.

Im dritten folgen die Fieber vnd Fieberische Kranckheiten / als / Rot-
lauffen / Pestilenz / vnd etwas auch von Gifft / das dem Menschen in essen
oder trincken beygebracht werden.

Im vierdten Theil würdt gehandelt sürnemlich von der Wundarzney:
Als von allerley Wunden / so durch haben / stechen / schiessen / fallen / beißen /
brennen / ed: in ander weg sich zutragen mögen / sampt derselbigen Zufällen.
Vnd dann auch von Brand / Krebs / Fistel / Wurm / alten Schäden / &c.
vnd andern eusserlichen des Leibs Vureinigkeit vnd Gebrechen.

Im fünfften vnd letzten Theil sind etliche köstliche Arzneyen / von
Wasser / Puluer / Larwergen / auch eusserlichen Salben /
Pflastern / &c. verzeichnet / wie solches im Re-
gister / zu ende des Buchs ange-
henck / ordentlich zu-
finden.